



Te Boki ae Onoti



KAMATAATA N TE FANNIE IROUN ADAM KOFORD



46

Rdo

Iroun Julia Willardson
(E boboto i aon te karaki ae koaua)

Am tai ni wareware, Papa," e taku Bernice. E kauki booki aika tabu. A tekateka Maman ao Papa irarikina iaon te couch.

E wareka te moan kibu Papa. "I ataia ae e tangiriia natina"

"I ataia ae e tangiriia natina," e kao-kia riki Bernice.

"Ma," e taku Papa, "I aki atai nanon bwaai ni kabane."*

Ma bon te taeka ae matoatoa. E tuai kona ni wareware raoi Bernice, ao e aki ataia bwa tera nanon taian taeka ni kabane. Ma e tangiria ni kaokioki taian taeka ngkana a bane ni wareware ana utu ni booki aika tabu.

Te bong are imwiina n tain warekan booki aika tabu, iai ana kakubanako Papa. "Iai au bwai ae onoti ibukimi," e taku. Eangan Bernice te boki. Iai tam-neia aomata ao te booti mai moa.

"Aio ibuki?" E titiraki Bernice. E rabwata te boki ae bubura inanoaan baina.

"Bon ibukim," e taku Papa. "Kaukia nooria."

E kauka te boki Bernice. A tokatoka kanoan matana. A mwaiti tamnei aika a kirimamatata inanona.

"Terana arana?" E titiraki Bernice.

E kotei taian taeka Papa ake iaon kunin te boki. *Karaki man Ana Boki Moomon,*" e taku.

E rimwiin taian taeka ake a mwakoro iaon kunin te boki Bernice. Karaki man Ana Boki Moomon," e taku.

"Bon aekakin naba te karaki are ti wareka rongorongona ni booki aika tabu," e taku Maman.

Bernice e kotea teuana mai buakon taian tamnei. "Antai anne?" e titiraki.

"Hmm. Ko noora te kainikatebe ao taian kanoa?" E titiraki Maman.

E katoua atuuna Bernice.

"Ko uringnga warekan rongorongon temanna are e uruaki ana kainikate-beke?" E titiraki Papa.

"Nibwaai?" E taku Bernice.

"Eng, bon Nibwaai," e taku Papa.

E moangare Bernice. "Ko rabwa, Papa. Ko rabwa, Maman. I tangira te boki aio."

Ni katoa tairiki, e wareka ana boki ae tabu Bernice ma Maman ao Papa. E kotei taian tamnei. E reireinna n atong taeka aika a matoatoa. Ao e reiakinaki bwa e na wareki tabeua taeka aika a bebete i bon irouna!

E namakina te kukurei ni wawarekan booki aika tabu. E kukurei bwa e kona ni wareki ma Maman ao Papa! ●

E riki te karaki aei n te Democratic Republic of the Congo.

* 1 Nibwaai 11:17